

## ডাইভার্সিটি ভিসা আবেদনকারীদের জন্য জ্ঞাতব্য

ঢাকা, ৯ই আগস্ট -- এই নোটশের মাধ্যমে ডাইভার্সিটি ভিসা আবেদনকারীদের জানানো হচ্ছে যে ৩০শে সেপ্টেম্বর, ২০০৬ তারিখের পর থেকে আর কোন ডিভি ভিসা ইস্যু করা হবে না। যে কারণই থাকুক না কেন, ওই তারিখের পর থেকে আর কোন ডিভি ২০০৬ ভিসা ইস্যু করা যাবে না। আবেদনকারীর স্বামী/স্ত্রী এবং ২১ বছরের নীচে তার কোন অবিবাহিত সন্তানের জন্যও এই একই নিয়ম প্রযোজ্য হবে। তাদের সকলের ভিসা অবশ্যই ৩০শে সেপ্টেম্বর ২০০৬ তারিখের মধ্যে ইস্যু হতে হবে।

আমরা যেহেতু ডিভি ২০০৬ ইস্যু করার সময়সীমার শেষের দিকে এগিয়ে যাচ্ছ তাই ডিভি আবেদনকারীদেরকে সেবা প্রদানের সময়ও কমে আসছে। যথা সময়ে ডাইভার্সিটি ভিসা প্রক্রিয়াকরণের কাজ ভালোভাবে শেষ করার জন্য নিম্ন লিখিত পদক্ষেপসমূহ গ্রহণ করা হয়েছে:

১. নতুন করে কোন আবেদনকারীর সাক্ষাত্কার গ্রহণের সময় পুনর্নির্ধারণ করা হবে না। যে সকল ডিভি আবেদনকারীর সাক্ষাত্কার গ্রহণের সময় ইতিমধ্যেই পুনর্নির্ধারণ করা হয়নি অথবা যারা তাদের ভিসা সাক্ষাত্কারের জন্য নির্ধারিত তারিখ ও সময়ে হাজির হতে ব্যর্থ হয়েছেন তাদের সাক্ষাত্কারের সময় পুনর্নির্ধারণ করা হবে না। আবেদনকারীরা যদি তাদের সাক্ষাত্কারের জন্য নির্ধারিত সময়ে উপস্থিত হতে ব্যর্থ হন তাহলে তাদের সাক্ষাত্কার গ্রহণের নতুন তারিখ নির্ধারণের অনুরোধ গ্রহণ করা হবে না এবং পরবর্তীতে আর কখনো তাদের সাক্ষাত্কার গ্রহণ করা হবে না।

২. যে সকল আবেদনকারী ইতিমধ্যেই তাদের ভিসার জন্য সাক্ষাত্কার প্রদান করেছেন এবং/অথবা যাদের ভিসা ইস্যুর বিষয়টি প্রশাসনিক ক্লিয়ারেন্স প্রক্রিয়ার অধীনে রয়েছে আমরা তাদের ভিসা প্রক্রিয়াকরণের কাজ অব্যাহত রাখবো। প্রক্রিয়াকরণের কাজ শেষ হবার সাথে সাথে আমরা আবেদনকারীর সাথে যোগাযোগ করবো। দুতাবাস থেকে যোগাযোগ করার পর আবেদনকারীকে

অবিলম্বে দুতাবাসে যোগাযোগ করতে বলা হচ্ছে। দুতাবাসে রিপোর্ট করতে বিলম্ব হলে তার ভিসা ইস্যু নাও করা হতে পারে।

৩. প্রাথমিক ভিসা সাক্ষাৎকারের পর যে সকল ডিভি আবেদনকারীকে অতিরিক্ত কাগজপত্র আনতে বলা হয়েছে তারা যতো শীঘ্র সম্ভব সেই সব কাগজপত্র নিয়ে আসবে। সপ্তাহের যে কোন কর্মদিবসে (রবিবার থেকে বৃহস্পতিবার) সকাল ৮টা থেকে ৯টার মধ্যে তাদেরকে দুতাবাসের কনস্যুলার সেকশনে আসতে হবে। আবেদনকারীরা যদি ৩১শে আগস্টের মধ্যে প্রয়োজনীয় কাগজপত্র জমা দিতে ব্যর্থ হন তাহলে তাদের ভিসা ইস্যু নাও হতে পারে।

৪. বর্তমানে সকল আবেদনকারীদের দেয়ার মতো যথেষ্ট সংখ্যক ভিসা অবশিষ্ট নেই।  
বর্তমানে সারা বিশ্বে ডাইভার্সিটি ভিসা প্রদানের একটি নির্দিষ্ট কোটা আছে এবং ভিসা প্রদানের কোটা পূরণ হয়ে গেলে অতিরিক্ত কোন ভিসা ইস্যু করা হবে না। কেউ যদি সম্পূর্ণ ফি প্রদান করে থাকেন এবং সফল সাক্ষাৎকারও দিয়ে থাকেন তাহলেও ডাইভার্সিটি ভিসা ‘আগে আসলে আগে পাবেন’ ভিত্তিতে প্রদান করা হয়ে থাকে এবং সকল আবেদনকারীই যে ভিসা পাবেন তার কোন নিশ্চয়তা নেই।

=====

জিআর/ ২০০৬

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং Website: [dhaka.usembassy.gov](http://dhaka.usembassy.gov) এ যোগাযোগ করুন।